

խանացն վենետիկու, որ նոյն հրամանաւն կարող է աստ ի վենետիկ և յամենայն տեղիս գործածել զիւր արհեստն թարց խմբ ընդդիմութեան: Եւ այսպէս ստամբայ սօնէթներով և բուբլիքոյ հրամանաւն տարածեցաւ հաշակեցաւ ի վենետիկ բոլոր քաղաքն բարի համբաւով և լուսարիստիմոյ դիօլոյով Թոմազօ Թովմաճան մեախքոյ քիրուրիոյ և օպսթէթրիքոյ (վիրաբոյժ - մանկաբարձ): 1788 Յուլիս 24ին ուրիշ նուիրական օր մ'էր Հ. Յ. Թովմաճանի համար. այդ օրը «ի վանս սրբոյն Ղազարու երանելի Մխիթարեան, ի ներկայութեան գերյարգելի Ստեփանոս Աբբայի և ամենայն միաբանից, այլ և ևս մեր Մարգէղէ տի Աերբոս Յովհաննէս աղային և սինեօս ապսթէ ճիւղէփէ Մարինովիկին՝ մատոյց զառաջին ամենասուրբ պատարագն ի պատիւ երից անձանց ամենասուրբ Երրորդութեանն, ծանր փառազուն զգեստութեան և շքաւոր կղերիկոսք: Եւ ի նմին աւուր եղև մեծ սեղան ի սեղանատան... ուրախութիւն ի վանս առ հասարակ մեծի և փոքու»:

1790ին կը գրէ. «Եւ մինչև ցայժմ խեղճ Տէր Թովմաճան շնորհիւ Տեառն խաղաղացեալ է ի մեծի խաղաղութեան ի վանս իւր քահանայական սուրբ կարգին մխիթարութեամբն, վանս որոյ զանչափ գոհութիւնս մատուցանէ Տեառն մերոյ փրկչին բարեբարին, որ է օրհնեալ յաւիտեանս յաւիտենից ամէն»: Այլուր կը ծանօթագրէ ինքն իր համար 1803ին 86 ամեայ «և նոյն քահանայութեամբն ապրի մինչև ցայս ամ 1803 Նոյ. 15». կը վախճանի սըրբութեամբ 1806ին 90ամեայ:

Զիննալով զարգացնել իր նախնական ուսումը բազմազբաղ կեանքին մէջ իր լեզուն կը մնայ ռամկօրէն և անհարթ, ոճը երկայնաբան՝ բայց խառնուած իր զուարթ նկարագրով:

Զուարթ տաղերու մը շարքէն զստ՝ որ իր ծերունի հասակին մէջ յօրինած է վանական համախմբուածներու մէջ տօնական առիթներով, ունի նաև սրբազան - կրօնականներ, համեմատաբար կոկուած լեզուով և ոճով, ուր կ'երեւի իր զգայուն սիրամը, խոր հրաւառքն ու բարեւպաշտութիւնը. առնցմէ չորս հաս զետեղած է իր կենսագրականին վերջը՝ էջ 515-521, նոտագիր մանր, երկսիւն, որոնցմէ երկուքը հոս կը գնենք՝ Առ Տիրամայրն և առ Մխիթար Աբբաշայր իբրև նմոյշ. նկատելի է հոն Հ. Յ. Թովմաճանի խոր հաւատքի և բարեպաշտութեան

հետ իր փարոսը Մխիթարայ Ուխտին՝ զոր քանի մ'անգամ կորսնցնելու ցաւն և ապա վերստին ստանալու մեծ մխիթարութիւնն ունեցած է:

Հ. Յովհաննէս իր գրական - կենսագրական յիշատակարաններէն զատ նուէրներ բրած է իր սիրած Մխիթ. Ուխտին՝ և հոն կը պահուին իրմէ. ա. Արծաթեայ յուսկից մը՝ զոր զրկած է Հոռովն 1754ին (էջ 131). բ. «Մեծ սեւեփկեարի խաչ մի՝ զոր գնեալ էր յԵրուսաղէմ Թովմաճանն վանս յիշատակի վանաց Աբբային», 1759ին (էջ 166). գ. Հնդկաստանէն վերագարձին (1771) պարգևս ընծայեաց. Հայր Աբբային՝ մի պատուական կապուտ եագութ մատանի (յապինթ). կարգաւորաց՝ զոմանս բանած սեւեան քար (սարդիոն) և զոմանս բանգէշիր (պէլժուվար). (316):

Ասոնցմէ զատ վանքիս թանգարանին մէջ կը պահուին իրմէ. 1) «մին ծառ մրճամի (բուսա) ի կարմիր ծովէ». 2). «Երկրորդն միեղջերուի եղջիւրն». 3) «Երրորդն՝ օնգեղջիւր»:



Հ. Յ. Թովմաճանի գործը՝ որմէ այս անգամ հատուած մը կու տանք այստեղ Եթովպիա կատարած ուղեւորութեան և արքունի դանձապետութեան, ըսինք թէ որքան թանկագին է գարուն և անձերուն շուրջ տեղեկութիւններով: Աւելցնենք նաև իր նպաստը Հայ Առեւտրական պատմութեան: Զարմանալի չէր որ Ագոնց իր Աշխարհագրութեան հատորներուն մէջ օգտուէր թէ տեղագրութեան և թէ բարբերու մանրամանութիւններ այդ ականատես վկայէն. ինչպէս կ'ընէ ստուգիւ «Հապէշ» բաժնին մէջ:

Թովմաճանի գործը կարեւոր էլ մը կը բանայ նաև Հայ - Եթովպական հինաւուրց յարաբերութեան պատմութեան: Այնչան «Սիւսական»ի «Հայք յՍիրիկի»ի «Եթովպիա» բաժնին մէջ կը յիշէ յայտնապէս Թովմաճանը և կ'օգտուի անկէ: Եւ ստուգիւ մենք ալ իրմէ կը տեղեկանանք թէ երբ 1762ին արքունի դանձապետ կը կարգուի - և իրմէ յետոյ իր Պօղոս որդին - , իրմէ առաջ Աբբաղիբրցի մ'է կղեր նոյն պաշտօնին վրայ՝ ուստա Սէլէֆ. և թերեւս անկէ առաջ ալ ուրիշ հայեր:

Հարկ չենք տեսներ մեկնութիւններ տալ ուղեգրութեան. այնքան պարզ է լեզուն և նիւթը գիւրըմբռնելի: